



Broj: 01/II-04 -2102/21
Sarajevo, 14.06.2021. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

**PARLAMENT FEDERACIJE DOMA NARODA
SEKRETAR**

Priljeno: 16-06-2021			
Org. jed.	Broj	Priloga	Vrijednost
05/2	-02-	2/21	21

**Predmet: Odgovor na delegatsko pitanje delegata Čeljo Senada sa 11. sjednice
Doma naroda Parlamenta Federacije Bosne i Hercegovine**

Dom naroda Parlamenta Federacije Bosne i Hercegovine zatražio je odgovor od Zavoda zdravstvenog osiguranja i reosiguranja Federacije Bosne i Hercegovine na osnovu delegatskog pitanja Čeljo Senada koje glasi :

Zašto se pacijenti upućuju na liječenje u inostranstvo, konkretno djeca za operacije iz oblasti kardiohirurgije kad postoje uslovi da se te operacije obave u Sarajevu u domaćim zdravstvenim ustanovama, Centar za srce dr. Kacile, uz angažman ino stručnjaka iz Švedske.

Na dostavljeno pitanje Zavod zdravstvenog osiguranja i reosiguranja Federacije Bosne i Hercegovine u okviru svojih nadležnosti daje slijedeći

ODGOVOR

Zavod zdravstvenog osiguranja i reosiguranja Federacije Bosne i Hercegovine je u 2020. godini finansirao kardiohirurška operativna zahvata za 32 djece koje su izvršene u zdravstvenim ustanovama u Federaciji Bosne i Hercegovine. Ukupno su izvršene 44 operacije i to u UKC Sarajevo 4 operativna zahvata a u Centru za srce Sarajevo 40 operativnih zahvata.

Na liječenje u zdravstvene ustanove u inostranstvu u 2020. godini upućeno je 36 djece i to 40 operacija i tri kontrolna pregleda.

Dakle, imajući u vidu naprijed navedene podatke, može se zaključiti da se određene vrste kardiohirurških operativnih zahvata obavljaju u domaćim zdravstvenim ustanovama od čega najveći broj u Centru za srce Sarajevo.

Međutim, u skladu sa odredbama Pravilnika o upućivanju na liječenje u inostranstvo, pacijenti se upućuju na liječenje u inostranstvo po podnesenim prijedlozima kliničkih zdravstvenih ustanova koje se bave liječenjem navedenih oboljenja. Prijedlozi se podnose samo za liječenje onih stanja i indikacija koje se sa uspjehom ne mogu liječiti u domaćim zdravstvenim ustanovama, dakle najkompleksnijih slučajeva.

Ovaj Zavod, po prijedlozima kliničkih zdravstvenih ustanova o potrebi liječenja u inostranstvu, sa potpisima konzilija ljekara koji se bave liječenjem navedenih oboljenja, dužan je da provede postupak za upućivanje na liječenje u inostranstvo ne sumnjajući i ne ulazeći u ocjenu validnosti mišljenja eminentnih stručnjaka iz ove oblasti, koji u svom prijedlogu navode da su iscrpljene sve mogućnosti daljeg uspješnog liječenja u domaćim zdravstvenim ustanovama.

Kliničke zdravstvene ustanove su dužne prije podnošenja prijedloga za liječenje u inostranstvu provjeriti mogućnost liječenja u našim zdravstvenim ustanovama pa tek onda podnijeti prijedlog za liječenje u inostranstvu.

Kliničke zdravstvene ustanove u Federaciji BiH usko sarađuju, ili bi bar tako trebalo biti, i upoznati su sa svim dostignućima i mogućnostima rada drugih kliničkih zdravstvenih ustanova i stalno su u međusobnim komunikacijama a često i uz koordinaciju Federalnog ministarstva zdravstva, čija je nadležnost verifikacija novih zdravstvenih usluga.

Želimo da vjerujemo da su kliničke zdravstvene ustanove koje podnose prijedloge za liječenje u inostranstvu odgovorne te da ne bi podnosile prijedloge za liječenje u inostranstvu ako se isto s uspjehom može i kod nas liječiti..

U određenim slučajevima kada se radi o vrlo kompleksnim urođenim srčanim manama, koje se moraju hitno uraditi kod beba starosti do 10 dana, koji zahvati se po mišljenju naših stručnjaka još uvijek nažalost ne mogu sa uspjehom raditi u našim zdravstvenim ustanovama, kako zbog nedostatka adekvatnog kadra tako i zbog propratnih kapaciteta zdravstvene ustanove gdje bi se operativni zahvat odradio u smislu pripreme, nastavka i praćenja operiranih beba u intenzivnim odjelima, neophodno je upućivanje na liječenje u inostranstvu.

Vjerujemo da je cjelom zdravstvenom sistemu u Federaciji BiH opredjeljenje i cilj, ovom Zavodu svakako jeste, da se razvijaju domaći kapaciteti i da se što manje pacijenata upućuje na liječenje u inostranstvo, kako za dobrobit pacijenata tako i uštede značajnih finansijskih sredstava.

Ukoliko postoje dileme u našem zdravstvenom sistemu, šta se kod nas može liječiti sa uspjehom a šta ne, koje dijagnoze i stanja, smatramo da u neposrednoj komunikaciji, svakodnevnoj koordinaciji i međusobnoj informiranosti kliničkih zdravstvenih ustanova iste treba što prije otkloniti i tražiti posredovanje i stručnu pomoć Federalnog ministarstva zdravstva koji u konačnici vrši verifikaciju zdravstvenih usluga.

S poštovanjem,



Dostaviti:
-Naslovu
-a/a



DIREKTORICA

doc.dr.sc. Vlatka Martinović, dr.med.